



**АКАФИСТ БОЖИЕЙ МАТЕРИ
В ЧЕСТЬ ЧУДОТВОРНОЙ ИКОНЫ СЯ,
НАШЕЮЩИЯ
ТРИГОРСКАЯ**

Кондак 1

Взбранной Воеводе Владычице нашей Богородице, хвалебное пение приносим Ти, раби Твои, о Богомати. Ты же, яко имущая державу непобедимую, сохрани и спаси нас, да взирающе на образ Твой святыи поем Ти: Радуйся, Владычице, православных христиан прибежище и заступление.

Икос 1

Архангелов и ангелов удивление, серафимов и херувимов поклонение, превыси Горних Сил явилася еси, Богородице; безсеменное бо рождество Твое, Пречистая, не возмогут по достоянию воспети и чини ангельстии, недоумевая о таинстве Боговоплощения. Мы же, на милость Твою уповающе, дерзаем бранными усты воспети Ти:

Радуйся, Бога Отца безначальнаго предвечное благоволение; радуйся, тайне Боговоплощения предивное служение.

Радуйся, Духу Святому неизреченное обручение; радуйся, пророческих глаголов неложное исполнение.

Радуйся, Горних Сил непрестанное восхваление; радуйся, земных всерадостное поклонение.

Ра́дуйся, Влады́чице, правосла́вных христиа́н прибе́жище и заступле́ние.

Кондак 2

Ридевше иноцы Тригорстии, Преблагословенная, множество чудотворений, бывших от иконы Твоея, яже во граде Чернигове, возжелаша имети список Ея, да и в своей обители припадающе к дивному образу Твоему со благодарением воспоют Богу: Аллилуиа.

Икос 2

Разумом человеческим воистину не объяти любви Твоя, Богородице, к роду христианскому. Ты бо, яко Мати Божия, спасение верных содевая, чрез честныя иконы Твоя милости источаеши, узы греха растерзаеши, от ада избавляеши. Мы же, преклоняяся пред величием Твоего дерзновения, в благоговении вопием Ти:

Ра́дуйся, Цари́це Небе́сная, Го́спода Сил при́сно зря́щая; ра́дуйся, та́йны Про́мысла Бо́жия ве́рным отверза́ющая.

Ра́дуйся, притека́ющих к заступле́нию Твоему́ не оставля́ющая; ра́дуйся, ско́рби на́ша в радость претворя́ющая.

Ра́дуйся, град Черни́гов о́бразом Твои́м осия́вшая; ра́дуйся, моле́ния отец на́ших милостиво прия́вшая.

Ра́дуйся, Влады́чице, правосла́вных христиа́н прибе́жище и заступле́ние.

Кондак 3

Сила благодати Твоея, Царице Небесная, иконе Черниговстей дарованная, и на Тригорстем образе в чудесех явлена быша. Их же узреша братия и вси людие возрадовахуся зело и прославиша Твое милосердие, Богу же поя: Аллилуиа.

Икос 3

Имуще всечудную икону Твою, Всемилостивая, иноцы со умилением приносят Ти благодарственное пение. Народа же множество стекашеса во обитель Тригорскую, заступления и

помощи просяще, и под державный Твой покров прибегающе
взывают Ти сице:

Ра́дуйся, день обрѣтѣнія ико́ны Твоея́ исцелѣніями
знаменовавшая; ра́дуйся, в щит и огражде́ние земли́ нашей
образ Свой дарова́вшая.

Ра́дуйся, Триго́рскую обите́ль благодатным ми́ром
озаряющая; ра́дуйся, подвиза́ющихся в ней держа́вным
Твоим омофо́ром покрывающая.

Ра́дуйся, жити́е чина́ иноческаго во спасѣ́ние душ
устрояющая; ра́дуйся, су́щих в странствии ко взыска́нию
го́рняго гра́да направляющая.

Ра́дуйся, Влады́чице, правосла́вных христиа́н прибе́жище и
заступле́ние.

Кондак 4

Ву́ря лати́нскаго лжемудрова́ния, ага́рянскаго нечѣстия и
безбо́жных власте́й неистовства устреми́шася на держа́ву
нашу́. Ты же, о Богома́ти, во дни скорбе́й и гонѣ́ний была́ еси́
отрада и утѣше́ние, прибе́жище и огражде́ние. Да вси,
благодаря́ще Бо́га о всечестно́м покрове́ Твоем, пою́т Ему́:
Аллилу́иа.

Икос 4

Слы́шаша бли́жнии и да́льнии о чудесе́х бывших от ико́ны
Твоея́, Богоро́дице, во обите́ль Триго́рскую притека́ют, и с
ве́рою и умилѣ́нием ко всечестно́му образу́ Твоему́
припада́юще, приѣмлю́т Твоѣ́ благослове́ние. Ны́не и мы,
недостой́нии, дерза́ем с наде́ждою воспѣ́вати моля́щейся о нас:

Ра́дуйся, ро́да христиа́нскаго ско́рое заступле́ние; ра́дуйся,
в Правосла́вии наро́да нашего́ утвержде́ние.

Ра́дуйся, за ны́ Предста́тельнице́ пред Бо́гом усѣ́рдная;
ра́дуйся, грѣшником ка́ющимся Ма́ти милосѣ́рдная.

Ра́дуйся, во тьме́ неве́рия озаре́ние светоза́рное; ра́дуйся, в
о́гненных испытáниих прохла́до вожде́ленная.

Ра́дуйся, Влады́чице, правосла́вных христиа́н прибе́жище и
заступле́ние.

Кондак 5

Воготечная звездó, ищущим спасения явилася еси, Богородице, к Солнцу Правды, Сыну Твоему, сих приводящая; малодушныя же и унывающия скоро воздвизающая пети Богу: Аллилуиа.

Икос 5

Видя чудо преславное от Тебе, Богомати, некий Павел глухий и немый, егда от иконы Твоея прия исцеление, абие прослави Бога и Тебе, Пресвятая. Архимандрит же Дорофей и вся братия обители Тригорския, зело дивящися бывшему, со страхом и умилением возопиша Ти:

Радуйся, Целительнице милостивая, немоту разрешающая; радуйся, Врачевание верное, слух глухим отверзающая.

Радуйся, Утешение благое, слезами умиления душу наполняющая; радуйся, Веселие тихое, дух уныния прогоняющая.

Радуйся, Моление Святое, благодать Сына Твоего нам являющая; радуйся, Море Неисчерпаемое, чудесами весь мир омывающая.

Радуйся, Владычице, православных христиан прибежище и заступление.

Кондак 6

Во удел древнюю Иверию прияла еси; землю афонскую садом своим нарекла еси; Лавру Печерскую воздвигла и благословила еси; гору Почаевскую огненным явлением осватила еси; царством и домом Своим Русь Святую избрала еси; и во обители Тригорстей образ Свой прославила еси, да и zde почитают Тя, Заступницу усердную, и к Сыну Твоему зывают: Аллилуиа.

Икос 6

Возсия всем благодать Твоя, Богородице, мрак нечестия прогоняющи, яко по всей вселенней почитают Тя, Предстательницу рода христианскаго. Во мнозех бо храмах

чрез иконы Твоея светозарныя, милости подаеши моление возносящим Ти и с любовью глаголющим:

Ра́дуйся, Иве́рии похва́ло и утврѣдѣние; ра́дуйся, обита́ем афо́нским дѣвнѣ украше́ние.

Ра́дуйся, Ла́вру Пече́рскую зело́ возлюбѣвшая; ра́дуйся, на горе́ Поча́евстей целебный исто́чник сотвори́вшая.

Ра́дуйся, Руси́ Свято́й щите́ и огражде́ние, Цари́це и Ма́ти Преблагослове́нная; ра́дуйся, обита́тели на́шей Би́сере Драги́й и бога́тство неизрече́нное.

Ра́дуйся, Влады́чице, правосла́вных христиа́н прибе́жище и заступле́ние.

Кондак 7

Хотя́ Всеблагий Госпо́дь явити́ ве́лию ми́лость ро́ду челове́ческому, дарова́ в заступле́ние Пресвяту́ю Ма́терь Свою́, яко́ всякой ду́ши христиа́нстей скорбя́щей же и озло́бленней, ми́лости Бо́жией и по́мощи тре́бующей, утеше́ние и прибе́жище бу́деши. Да под держа́вным покровом Ея́, соблюда́еми и наставля́еми, непреста́нно поём Бо́гу: Аллилу́иа.

Икос 7

Дѣвнѣя и мно́гая чудеса́ показа́ Богома́ти во обита́тели Триго́рстей. Все́м с ве́рою прибега́ющим к цельбоно́сному образу́ Твоему́, пода́еши: крото́сть и смире́ние, мир и благогове́ние, слѣзы и умиле́ние, ре́вность и дерзнове́ние. И мы, жела́я прияти́ да́ры сия́, в ра́дости рцем Ти:

Ра́дуйся, стра́ждущих и недужных ско́ро исцеля́ющая; ра́дуйся, в скорбех и печалех су́щих любóвию Твоею́ согрева́ющая.

Ра́дуйся, в беда́х и обстоя́ниих нас не оставя́ющая; ра́дуйся, от нече́стия ду́ши на́ша ми́лостивно очища́ющая.

Ра́дуйся, от неве́рия чудесами́ к Бо́гу обраща́ющая; ра́дуйся, сла́вою чудес Твоих к почита́нию святы́х ико́н нас наставля́ющая.

Ра́дуйся, Влады́чице, правосла́вных христиа́н прибе́жище и заступле́ние.

Кондак 8

Странно и преславно зрѣти икону Твою, Богомати, токи целѣбныя всем источающую. Мнози бо пред образом Твоим святым молящеся неоскудно заступлѣния Твоего сподобляются. Умоли, Благая, Сына Твоего и нас, спасѣния чающих, на стези истинныя направить, да не погибнем без покаяния, но сподобимся достойно воспѣти Богу: Аллилуиа.

Икос 8

Вся величія чудес Твоих, Пречистая, несть исчислити возможно: предстоиши бо с мольбою у Престола Вышняго. Иноцы же пред образом Твоим светоносным во обители Тригорстей преклоняся благодать от него приѣмлют и подвизем добрым подвижаяся дерзают пѣти Ти:

Радуйся, честнаго иночества покровительнице; радуйся, дѣвства и чистоты верная хранительнице.

Радуйся, подвижников сугубая ходатаице; радуйся, пустынников незримая наставнице.

Радуйся, молитвенников тихое весѣлие; радуйся, во брани изнемогающих Божественное укрепление.

Радуйся, Владычице, православных христиан прибежище и заступление.

Кондак 9

Все воинство небесное во благоговѣнии Тебѣ служит, Небесѣ и земли Царице; христианский же род, под сень Креста Господня притекающий, Милосердную Мати обретает, и абие, утешенный Тобою, грядет в след Бога Искупителя, поя Ему: Аллилуиа.

Икос 9

Ветий многогласнии не возмогут достойно воспѣти Пречистый Твой Лик, о Дѣво Богоотроковице. Не исчесті и нам бездну

щедрот Твоих, человеколюбивая Мати, но сладость утешения в нуждах познавше, с верою и любовью чествуем Тя, вознося пред образом Твоим моления сицевая:

Радуйся, крестный путь Сына Божия слезами оросившая; радуйся, страсти Его на Голгофе сердцем разделившая.

Радуйся, стезями спасительными к Свету Неприступному нас приводящая; радуйся, любовью Матернею весь мир обнимающая.

Радуйся, притекающих к Твоему покрову и заступлению не оставляющая; радуйся, богатые дары, милости просящим Тя пред чудною иконою Твоею, источающая.

Радуйся, Владычице, православных христиан прибежище и заступление.

Кондак 10

Спасти хотя род человеческий Человеколюбец Господь из Тебе, Дево, плотию облечёся. Дивное Божие смотрение о нас Тобою, Мати Приснодево, исполняется. Яко в Тебе воистину соткася Плоть и Кровь Божественного Агнца, сподоби же нас достойно причащаться Пречистых Таин Его, да воспоем Богу Жизнодавцу: Аллилуиа.

Икос 10

Стена еси несокрушимая всем с верою к Тебе прибегающим, Мати Дево: девство хранящим и в супружестве сущим, женам непраздным и младенцем ссущим, юным и старцем, богатым и убогим. Видеша велию милость Твою на нас, грешных, изливаемую с любовью вопием Ти сице:

Радуйся, благих супружеств желанное совершение; радуйся, непраздных жен надеждо и охранение.

Радуйся, в болезнях чадородия скорое разрешение; радуйся, кормящих матерей всегдашнее вспоможение.

Радуйся, в сиротстве благодатное охранение; радуйся, младенцем и юным надёжное ограждение.

Радуйся, Владычице, православных христиан прибежище и заступление.

Кондак 11

Пение молебное всеумиленно приносим Ти, Госпоже Всемилостивая, пред многоцелёбным образом Твоим. Сохрани и избави нас от тлетворных учений, неверия и расколов. Народ наш к вере православной приведи и в Истине укрепи, да вси, во ограде Церкви пребывающе, воспоём Богу: Аллилуиа.

Икос 11

Светозарно сияют во мраке неверия чудеса от икон Твоих, Дево Чистая, мнози бо просвещаются лучами милостей Твоих. Светло красуется и образ Твой во обители Тригорстей, освящаючи души наша светом Божия благодати, воздвизая воспевати Ти:

Радуйся, Светозарная Свеще, у Престола Божия присногорящая; радуйся, Неугасимая Лампадо, елеем Божественным сердца умягчающая.

Радуйся, Свете Небесный, любовью Христовой нас озаряющая; радуйся, Молние Незримая, тьму грехов наших опаляющая.

Радуйся, светлое благодати познание, путь истины нам освящающая; радуйся, Сияние Немерцаемое, души наша светом Божия благодати наполняющая.

Радуйся, Владычице, православных христиан прибежище и заступление.

Кондак 12

Благодать свыше даровася святей иконе Твоей, Преблагая: скорбящих утешати, болящих исцеляти, верных во благочестии утверждати, неверных к познанию истины наставляти. Сего ради помози и нам немощным уста хранити, ум очищати, сердце освящати, веру укрепляти; да выну в жизни сей и в будущей милосердие Твое неотступно будет с нами, взывающими Триипостасному Богу: Аллилуиа.

Икос 12

Поюще Тя в молитвах неусыпающую Ходатаицу, Святей Троице предстоящую, просим Тя: воздвигни рuce к Сыну Твоему и Богу нашему, пробуди нас от смертоносного сна уныния, забвения, неразумия и нерадения; да воспринем в веселии зовуще Ти:

Радуйся, Купино Неопалимая, от огня геенского нас избавляющая; радуйся, Елеточивая, грехи наша милосердием растворяющая.

Радуйся, Одигитрие, к небесному Отчеству нас направляющая; радуйся, Отрадо и Утешение, к тихому пристанищу спасения наставляющая.

Радуйся, Цвете Неувядаемый, сердца наша нетленною красотою облагоухающая; радуйся, Живоносный Источник, питием неисчерпаемым оживотворяющая;

Радуйся, Владычице, православных христиан прибежище и заступление.

Кондак 13

О, Мати Всепетая, Дево Пречистая, прими сокрушение сердец наших. Мир миром благослови, Отчество наше сохрани, веру православную утверди, нас от духов злобы Твоим предстательством огради; да Тобою водими достигнем Небесного Царствия, идеже незаходимое Солнце Правды невечерний Свет Славы Божественная изливает, и Ему поют: Аллилуиа.

Сей кондак глаголется трижды: также икос 1: «Ангелов и архангелов удивление...» и кондак 1: «Взбранной Воеводе...».

Молитва

О, Пресвятая Дево, Мати Христа Бога нашего, Царице Небес и земли! Вонми многоболезненному вздыханию душ наших, призри с высоты святя Твоея на нас, с верою и любовью поклоняющихся пречистому образу Твоему Тригорскому. Се бо грехми отягчаемии и скорбми обуреваемии, взирающе на образ Твой, яко живей Ти сущей с нами, приносим смиренная моления

наша. Не имамы бо инья помощи, ни инаго предстательства, ни утешения, токмо Тебе, о Мати всех скорбящих и обремененных! Сохрани обитель нашу, помози нам немощным, утоли скорби наша, настави на путь правый заблудших, уврачуй болезненна сердца наша и спаси безнадежных, даруй нам прочее время жития в мире и покаянии проводить, подаждь христианскую кончину, и на Страшнем Суде Сына Твоего явися нам Милосердая Предстательница, да всегда поем, величаем и славим Тя, яко благою Заступницу рода христианскаго, со всеми угодившими Богу, во веки веков. Аминь.

